

Broj: 159-1/22  
Datum: 21.4.2022.

Na osnovu člana 27. Zakona o ustanovama („Sl. list R BiH“ br. 6/92, 8/93 i 13/94) i na osnovu člana 126. Zakona o srednjem obrazovanju i odgoju (“Službene novine TK” br. 26/16 i 89/18), člana 136. Pravila „Richmond Park International Secondary School, Školski odbor „Richmond Park International Secondary School“ Tuzla na svojoj 60. sjednici održanoj 21.4.2022. godine donosi

## **PRAVILNIK**

### **o utvrđivanju Kriterija i načina izbora “Učenika generacije“ i „Ponos generacije“ u Richmond Park International Secondary School u Tuzli**

#### **I Predmet Pravilnika**

##### **Član 1.**

Ovim Pravilnikom o utvrđivanju Kriterija i načinu izbora Učenika generacije i Ponos generacije u Richmond Park International Secondary School (u daljem tekstu: Pravilnik) propisuje se način izbora „Učenika generacije“ i „Ponos generacije“ završnih razreda srednje škole.

##### **Član 2.**

Cilj ovog Pravilnika je podsticanje učenika Richmond Park International Secondary School (u daljem tekstu: Škola) na kreativnost, razvijanje samopouzdanja, bolji uspjeh u učenju i vladanju, podsticanje takmičenja i promoviranje najuspješnijih.

##### **Član 3.**

(Gramatička terminologija)

Gramatička terminologija korištenja muškog ili ženskog roda u ovom Pravilniku podrazumijeva uključivanje oba roda.

#### **II Uslovi za proglašenje „Ponos generacije“ i „Učenik generacije“**

##### **Član 4.**

(Uslovi i način vrednovanja aktivnosti učenika)

Učenik generacije / Ponos generacije može postati onaj kandidat koji ispunjava sljedeće uslove:

- Da je tokom četverogodišnjeg školovanja po nastavnom planu i programu postigao odličan uspjeh u učenju u svim razredima (minimalan prosjek općeg uspjeha u svakom razredu 4,8),

- da je u toku školovanja imao primjerno vladanje u svim razredima srednje škole,
- da je u toku školovanja imao zapažene rezultate u slobodnim aktivnostima, takmičenjima, smotrama, i drugim vannastavnim aktivnostima,
- da je učenik Škole najmanje 2 godine.

### Član 5.

(Rezultati koji se vrednuju za učenika generacije / ponosa generacije)

(1) Prilikom vrednovanja za izbor učenika generacije/ponosa generacije vrednuju se rezultati postignuti u radu sekcija predviđenih godišnjim programom rada u školi, takmičenja u znanju i stvaralaštvu iz pojedinih predmeta i osvojene nagrade na takmičenjima, učešće i osvojene nagrade na konkursima u oblasti likovnog, muzičkog, jezičkog i tehničkog stvaralaštva te sportskim i drugim aktivnostima koje su organizirane od strane osnivača „Richmond Park Education“ Sarajevo, od strane škole, Pedagoškog zavoda Tuzlanskog kantona, Ministarstva obrazovanja i nauke Tuzlanskog kantona, općinskih, kantonalnih, federalnih, državnih i međunarodnih organizacija koje se bave pitanjem odgoja i obrazovanja učenika.

(2) Za rezultate ostalih takmičenja, koja nisu navedena u ovom Pravilniku, tumačenje o samom takmičenju na zahtjev škole, daje Pedagoški zavod ili Ministarstvo obrazovanja i nauke TK.

### Član 6.

(Elementi za vrednovanje)

Elementi koji se vrednuju pri rangiranju kandidata za Učenika generacije i Ponos generacije su:

ELEMENTI	Maksimaln broj bodova
• Uspjeh u učenju i vladanju tokom srednjeg obrazovanja	100
• Aktivnosti i doprinos u radu klubova (sekcija)	16
• Uspjeh na takmičenjima u znanju iz pojedinih nastavnih predmeta, uspjeh na konkursima, revijama, smotrama, izložbama likovnog, jezičkog, dramskog, recitatorskog, literarnog, projektnog i tehničkog stvaralaštva	...
	...
	...
• Rezultati postignuti u vannastavnim aktivnostima	3

<ul style="list-style-type: none"> <li>• Vanškolske aktivnosti, volontiranje (sportske, kulturne, društvene, humanitarne aktivnosti, te rad u nevladinim organizacijama).</li> </ul>	10 3
<ul style="list-style-type: none"> <li>• Kursevi informatike, stranih jezika i slično</li> <li>• Završena srednja umjetnička škola</li> </ul>	15
<ul style="list-style-type: none"> <li>• Uspjeh u takmičenjima bez prethodne kvalifikacije</li> </ul> <p>Bodovi učeniku bez izostanaka tokom jedne školske godine</p>	4
<ul style="list-style-type: none"> <li>• Učešće na projektima vladinog/nevladinog sektora</li> </ul>	12
<ul style="list-style-type: none"> <li>• Rukovođenje odjeljenskom zajednicom, učešće u Vijeću učenika</li> </ul>	4

### Član 7.

(Način vrednovanja aktivnosti)

1. opći uspjeh u svim razredima srednje škole - odličan uspjeh i primjerno vladanje po formuli srednja ocjena na dvije decimale X 20 bodova;
2. aktivnosti i doprinos u radu sekcija škole, za svaku sekciju u jednoj školskoj godini 2 boda, maksimalno dvije sekcije u jednoj školskoj godini (2x2x4 to jest max. 16 bodova);
3. Za učešće i osvojeno mjesto na školskom, općinskom, kantonalnom, federalnom, državnom takmičenju, školskoj olimpijadi, europskom i svjetskom takmičenju u znanju iz pojedinih predmeta, sporta odnosno za osvojeno mjesto na konkursima likovnog, jezičkog, dramskog, recitatorskog, literarnog i tehničkog stvaralaštva - revije, izložbe, smotre, debatnim takmičenjima i slične manifestacije, kandidat može dobiti sljedeći broj bodova:

Nivo takmičenja	Broj bodova
-----------------	-------------

	I mjesto	II mjesto	III mjesto	IV mjesto	V mjesto	Učešće
Školsko takmičenje	3	2	1	-	-	0.5
Općinsko takmičenje	6	5	4	3	2	1
Kantonalno takmičenje	12	10	8	6	4	2
Federalno takmičenje	18	15	12	9	6	3
Državno takmičenje	24	20	16	12	8	4
Olimpijade, evropska i svjetska takmičenja	30	25	20	15	10	5

Napomena: Takmičenja kojima ne prethodi kvalifikacija i nisu u kalendaru takmičenja Pedagoškog zavoda Tuzlanskog kantona npr: Olimpijade poslije Bosepa (INESPO, INFOMATRIX, GOOGLE SCIENCE FAIR, ISPRO, WSC i slično), takmičenja iz jezika te ostala takmičenja koja nisu navedena u tabelama te definisana ovim Pravilnikom se umanjuju za 30%.

Ukoliko se održava samo ekipno takmičenje, kandidatu koji je bio član ekipe pripada 30% bodova od bodova predviđenih za pojedinačni plasman.

Bodovi se mogu dobiti samo po jednom osnovu ili za plasman ili za učešće.

Kod tehničkog stvaralaštva se boduje jedno priznanje, i to ono koje nosi više bodova na smotri;

Napomena: Rezultati na „online“ takmičenjima i takmičenjima koja nisu održana u fizičkom prisustvu učenika (razni literarni i likovni konkursi i sl.) će se umanjiti za 50% od ukupnog broja bodova osvojenih prema tabeli bodovanja koja je izražena u tački 3. člana 7. Pravilnika.

4. Rezultati postignuti u vannastavnim aktivnostima (sportskom i kulturnom polju):

Rezultati postignuti u radu vannastavnih aktivnosti (sportskom i kulturnom polju): za nastupe izvan škole (mjesnoj zajednici, općini i dr.) po 1 bod, (po ovom osnovu učenik može dobiti najviše 3 boda), pismene pohvale nastavnčkog vijeća za postignute rezultate u vannastavnim aktivnostima - za svaku pohvalu na kraju školske godine po 1 bod.

- **Vanškolske aktivnosti, volontiranje (sportske, kulturne, društvene, humanitarne aktivnosti te rad u nevladinim organizacijama).**

Za članstvo odnosno zapažene rezultate na sportskom, kulturnom ili humanitarnom planu organiziranom izvan škole uz dostavljanje odgovarajućih dokaza za svaku aktivnost:

- na lokalnom nivou po 1 bod,
- na kantonalnom nivou po 2 boda,
- na federalnom i državnom nivou po 3 boda,
- na međunarodnom nivou po 4 boda.

Po osnovu ove tačke učenik može dobiti maksimalno 10 bodova;

- **kursevi**

- svaki kurs sa validnim certifikatom (npr. stranih jezika, informatike, vršnjački edukatori ili medijatori) po 1 bod (po ovom osnovu učenik može dobiti maksimalno 3 boda);

- **Završena srednja umjetnička škola se boduje sa 15 bodova.**

- **Za osvojeno mjesto na takmičenjima, za koja prije predmetnog takmičenja, uslov nije bila posebna kvalifikacija** pojedine države (Bosepo u BiH, WSC u BiH, Der die das – deutsch macht spass, Jezičko-književna olimpijada, IQ Liga, takmičenja čije domaćinstvo ima jedan od ustanova Richmond Park Education i slično)

Napomena: Tabela ne sadrži podatke o školskom takmičenju

• Nivo takmičenja	• Broj bodova			
	I mjesto	II mjesto	III mjesto	Učešće
Školsko takmičenja	3	2	1	0,5
Kantonalno takmičenje	12	10	8	2
Federalno takmičenje	18	15	12	3
Državno takmičenje	24	20	16	4
Međunarodna takmičenja	30	25	20	5

Ukoliko se održava samo ekipno takmičenje, kandidatu koji je bio član te ekipe pripada 30% bodova od bodova predviđenih za pojedinačni plasman.

Napomena: Rezultati na „online“ takmičenjima će se umanjiti za 50% od ukupnog broja bodova osvojenih prema tabeli bodovanja koja je izražena u tački 3. člana 7. Pravilnika.

- **Učenik ostvaruje pravo na dodatne bodove za aktivnost, kreativnost i projekat koji osmisli**, realizuje i kontinuirano prati i koji je od interesa za školu (max.1 projekat u jednoj školskoj godini)

Učeniku za projekat iz prethodnog stava dodjeljuju se 3 boda.

Ukoliko se odrađuje i prezentuje samo ekipno, kandidatu koji je bio član te ekipe pripada 30% bodova od bodova predviđenih za pojedinačni projekat.

- **Učeniku koji tokom četverogodišnjeg obrazovanja nije imao ni jedan opravdan niti neopravdan izostanak sa nastave dodjeljuje se maksimalno 4 boda.**

Učeniku, kandidatu za priznanje Učenik generacije ili Ponos generacije, za svaku školsku godinu gimnazijskog obrazovanja u kojoj nije imao ni jedan opravdan niti neopravdan izostanak sa nastave, dodjeljuje se po 1 bod.

- **Rukovođenja odjeljenkom zajednicom:** za svaku godinu rukovođenja odjeljenkom

zajednicom ili rada u predsjedništvu odjeljenske zajednice kandidatu pripada po 1 bod, **rukovođenje vijećem učenika** (za svaku godinu rukovođenja) po 3 boda, rad u vijeću učenika (za svaku godinu rada) po 1 bod;

### III Izbor učenika koji će ponijeti priznanje „Učenik / Ponos generacije“

#### Član 8.

Kvalifikacija na takmičenju koje maturant ostvari do momenta predaje „Prijave za izbor „Učenika generacije/Ponos generacije“, a čije je održavanje predviđeno nakon isteka datuma za predaju Prijave, bodovat će se kao učešće na takmičenju, u skladu sa odredbama ovog Pravilnika.

#### Član 9.

(Oglas za učenika generacije)

(1) Pravo da bude izabran ima svaki učenik završnog razreda srednje škole koji ispunjava uslove iz člana 4. i 5. ovog Pravilnika, prijavljivanjem na oglas kojeg raspisuje nastavničko vijeće škole najkasnije do 10. maja tekuće školske godine.

(2) Oglas iz stavka (1) ovog člana objavljuje se na oglasnoj ploči i traje sedam dana.

**Obrazac „Prijava za izbor za Učenika generacije“** je sastavni dio ovog Pravilnika. Vrijeme trajanja oglasa, kao i način prijave na isti i dostave dokumenata utvrđuje se tekstom oglasa.

#### Član 10.

(Praćenje, prikupljanje i sumiranje rezultata)

Raspisivanje oglasa, prikupljanje aplikacija i prijedloga, sumiranje rezultata i **objavljivanje usvojenih rang-listi**, vrši Komisija za izbor Učenika generacije/Ponos generacije Škole (u daljem tekstu Komisija). Komisiju imenuje Nastavničko vijeće za svaku školsku godinu.

#### Član 11.

(Sastav Komisije)

(1) Komisiju iz člana 10. ovih kriterija obvezno čini pedagog škole koji je predsjednik Komisije ili drugi nastavnik kojeg imenuje nastavničko vijeće, dva nastavnika koje bira nastavničko vijeće, a koji nisu razrednici u završnim razredima, predstavnik roditelja kojeg bira vijeće roditelja, a čije dijete ne konkuriše za učenika generacije u toj školskoj godini i jedan učenik kojeg predloži vijeće učenika, a koji ne može biti učenik završnog razreda.

(2) Zapisnik o radu Komisije donosi nastavničko vijeće škole.

#### Član 12.

(Rang lista)

(1) Nakon prikupljanja i provjere podataka, Komisija pristupa bodovanju.

(2) Bodovanje kandidata za učenika generacije vrši se na temelju dokumenata iz pedagoške dokumentacije i evidencije škole (potvrde, uvjerenja i dr.), diploma i zvaničnih izvješća organizatora takmičenja (od općinskih do međunarodnih) i diploma/svjedodžbi umjetničke škole koje dostavlja sam učenik pismenim putem uz obaveznu Prijavu za izbog Učenika generacije/Ponos generacije.

(3) Na osnovu broja bodova Komisija sastavlja rang-liste kandidata.

Ukoliko dva ili više kandidata imaju jednak broj bodova, prednost ima učenik koji ima više bodova za uspjeh u učenju. Ukoliko i po ovom osnovu učenici imaju jednak broj bodova, prednost ima onaj učenik koji ima više bodova po osnovu takmičenja. Ukoliko i po ovom osnovu dva ili više učenika imaju jednak broj bodova, prednost ima onaj učenik koji ima veći broj bodova po osnovu uspjeha na konkursima, revijama, smotrama i športu.

(4) Na temelju broja bodova Komisija sastavlja rang listu i dostavlja nastavničkom vijeću škole.

### **Član 13.**

Predsjednik Komisije Nastavničkom vijeću prezentira kompletne rang-liste prijavljenih kandidata. Nastavničko vijeće usvaja rang-liste i donosi odluku o izboru učenika „Učenik generacije/Ponos generacije“.

### **Član 14.**

Škola dodjeljuje ukupno do sedam priznanja „Ponos generacije“ učenicima sa rang-liste, počev od rednog broja 2 zaključno sa rednim brojem 7.

### **Član 15.**

Usvojene rang-liste kandidata i odluka **o izboru učenika koji će ponijeti priznanje** „Učenik generacije“ / „Ponos generacije“ objavljuju se na oglasnoj tabli Škole, sa poukom o pravu prigovora na istu Školskom odboru, u roku od tri dana od dana objavljivanja. Odluka Školskog odbora po prigovoru je konačna.

### **Član 16.**

Krajnji rok za utvrđivanje konačne rang-liste kandidata za „Učenik generacije“ / „Ponos generacije“ je 10 dana od dana zatvaranja oglasa za izbor učenika generacije/ponos generacije.

### **Član 17.**

**Učenik generacije i Ponosi generacije** se proglašavaju na maturskoj svečanosti.

Učeniku generacije dodjeljuje se posebna diploma „Učenik generacije“ i može da održi govor na maturskoj svečanosti.

Ostalim učenicima koji su proglašeni Ponosom generacije dodjeljuje se plaketa „Ponos generacije“.

### **Član 18.**

(Način dokazivanja elemenata koji se boduju)

Komisija je obavezna prilikom pregleda aplikacija učenika za dodjelu priznanja „Učenik generacije“ i „Ponos generacije“ izvršiti uvid u evidenciju i dokumentaciju Škole, u cilju dokazivanja, da li su ispunjeni uvjeti, i to:

- Kao dokaz o uspjehu u učenju i vladanju koriste se svjedočanstva o završenim razredima, koja su sastavni dio personalnog dosjea učenika (Komisija neposredno vrši uvid)
- Kao dokaz o učešću u radu sekcija, statusu perspektivnog sportiste, te učeniku koji se posebno istakao u radu sekcija koristi se Godišnji izvještaj o radu škole za određenu školsku godinu (Komisija neposredno vrši uvid)
- Kao dokaz za plasman na određenim takmičenjima, smotrama, revijama i slično koriste se plakete, diplome i slično (učenik uz Prijavu predaje fotokopije diploma, plaketa i slično)
- Kao dokaz za plasman na školskom takmičenju koristi se potvrda koju izdaje ova Škola (učenik potvrdu predaje uz aplikaciju)
- Kao dokaz da učenik nije imao izostanaka u određenoj školskoj godini, te da je pohvaljen na kraju školske godine koriste se zapisnici Nastavničkog vijeća (Komisija vrši neposredni uvid u Zapisnik Nastavničkog vijeća, školsku evidenciju i učeničku knjižicu.)
- Kao dokaz o rukovođenju odjeljenskom zajednicom koriste se odjeljenske knjige (Komisija vrši neposredni uvid)
- Za dokazivanje svih naprijed navedenih činjenica Komisija je ovlaštena vršiti uvid i u ostalu dokumentaciju i evidenciju, za koju procijeni da je relevantna za tačno bodovanje i utvrđivanje činjenica.

#### **IV Prelazne i završne odredbe**

##### **Član 19.**

Izmjene i dopune ovog Pravilnika vrše se na način i po postupku po kojem je donesen.

##### **Član 20.**

Pravilnik stupa na snagu danom donošenja, a primjenjivat će se od 2021/2022. školske godine.

Broj: 159-1/22

Tuzla, 21.4.2022. godine

Predsjednik Školskog odbora

---